

19/07, 2/08 i 34/08), na 19. redovnoj sjednici, održanoj 10. 10. 2013. godine, donosi

**ODLUKU  
O VRSTAMA ZDRAVSTVENIH USLUGA KOJE SE NE  
FINANSIRAJU IZ SREDSTAVA FONDA ZDRAVSTVENOG  
OSIGURANJA BRČKO DISTRIKTA BiH**

**Član 1**

Fond zdravstvenog osiguranja Brčko distrikta BiH (u daljnjem tekstu: Fond) ne finansira sljedeće zdravstvene usluge koje nisu obuhvaćene Odlukom o utvrđivanju osnovnog paketa zdravstvenih usluga iz obaveznog zdravstvenog osiguranja (Službeni glasnik Brčko distrikta BiH, broj 33/12) i to:

- a) estetska hirurgija;
- b) sportska medicina;
- c) vakcine koje ne spadaju u Program obavezne imunizacije stanovništva protiv zaraznih bolesti, usluge imunizacije zbog zaštite od zaraznih bolesti u slučajevima putovanja u endemska područja sa zaraznim bolestima;
- d) tretmani gojaznosti (endoskopskim metodama – intragastrični balon, operativni zahvati – gastroplastika, želučani bypass, biliopankreatični bypass, želučano podvezivanje);
- e) homeopatija, akupunktura, kiropraktika, naturopatija i sl.;
- f) protetski radovi u oblasti stomatologije;
- g) posebne pogodnosti komfora u bolničkom liječenju i njezi;
- h) operacije promjene spola;
- i) pomagala koja nisu uvrštena u Listu ortopedskih i drugih pomagala koja se mogu propisivati u okviru obaveznog zdravstvenog osiguranja;
- j) lijekovi koji se ne nalaze na Esencijalnoj listi lijekova i Listi lijekova s posebnim režimom propisivanja;
- k) liječenje banjsko-klimatskim faktorima i druga banjska liječenja koja nisu u skladu s listom bolesti koja čini sastavni dio Odluke o utvrđivanju osnovnog paketa zdravstvenih usluga iz obaveznog zdravstvenog osiguranja;
- l) liječenje koje nije djelotvorno ili nije potrebno saglasno vodičima dobre prakse;
- m) neurgentni prevoz ambulantnim vozilom.

**Član 2**

Sve vrste zdravstvenih usluga navedenih u članu 1 ove odluke snose osigurana lica lično, ili putem drugih izvora finansiranja.

**Član 3**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 015-180/7-UO-86/13  
Brčko, 10. 10. 2013. godine

**PREDSJEDNIK  
UPRAVNOG ODBORA**  
Dr. Anto Basić, s.r.

**488**

Na osnovu članova 21a., 22a, 34. stavovi (1), (3) i (5) i 53. stav (1) Pravilnika Centralne banke Bosne i Hercegovine, UV broj: 120/05 od 29. juna 2005. godine, 100 – UV broj: 66/10 od 29. aprila 2010. godine, 100 – UV broj: 130/11 od 30. marta 2011. godine, 100 – UV broj: 18/12 od 31. januara 2012. godine, 100 – UV broj: 10/13 od 31. januara 2013. godine i 100 – UV broj: 73/13 od 28. juna 2013. godine i člana 8. i 20. stav (1) Pravilnika o radu u Centralnoj banci Bosne i Hercegovine, 100 – UV broj: 11/13 od 31. januara 2013. godine, uz odobrenje Upravnog vijeća Centralne banke Bo-

sne i Hercegovine s 11. sjednice od 25. septembra 2013. godine, guverner Centralne banke Bosne i Hercegovine, donosi

**ODLUKU  
O IMENOVANJU GLAVNOG INTERNOG REVIZORA  
CENTRALNE BANKE BOSNE I HERCEGOVINE**

**Član 1.**

Mr Edis Kovačević imenuje se za glavnog internog revizora Centralne banke Bosne i Hercegovine na mandatni period u trajanju od četiri godine od 1. oktobra 2013. godine do 30. septembra 2017. godine.

**Član 2.**

Ova odluka stupa na snagu danom donošenja.

**Član 3.**

Ova odluka će se objaviti u „Službenom glasniku BiH“, „Službenim novinama Federacije BiH“, „Službenom glasniku Republike Srpske“ i „Službenom glasniku Brčko distrikta BiH“ u skladu s članom 22a. Pravilnika Centralne banke Bosne i Hercegovine.

Broj: 101-12-1-2720/2013  
30. septembra 2013. godine  
S a r a j e v o

**GUVERNER**  
dr Kemal Kozarić, s.r.

**489**

Na osnovu člana 25. stav (1) tačke), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, zastupanog po direktorici Saneli Sulja, Radnička 25, 71000 Sarajevo, dana 31. jula 2013. godine pod brojem: 06-26-1-017-II/13, Konkurencijsko vijeće Bosne i Hercegovine, na 67. (šezdesetsedmoj) sjednici održanoj dana 25. septembra 2013. godine, je donijelo

**RJEŠENJE**

1. Ocjenjuje se dopuštenom koncentracija na tržištu pružanja usluga upravljanja i izdavanja nekretnina u Federaciji Bosne i Hercegovine, koja će nastati sticanjem kontrole privrednog subjekta „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo nad privrednim subjektom „DRVOPROMET“ d.o.o. Sarajevo, Blažuj bb, Sarajevo, kupovinom (..)\*\*10% vlasničkih udjela.
2. Radi nepodnošenja Prijave koncentracije u utvrđenom roku, u smislu člana 16. stav (1) Zakona o konkurenciji, izriče se privrednom subjektu „SKUTER“ Društvo za proizvodnju, unutrašnju i vanjsku trgovinu i usluge d.o.o. Sarajevo, Put života bb, 71000 Sarajevo, novčana kazna u iznosu od 19.000,00 (devetnaest hiljada) KM, koju je dužan platiti u roku od 8 (osam) dana od dana prijema ovog Rješenja.

U slučaju da se izrečena novčana kazna ne uplati u navedenom roku iste će biti naplaćena prinudnim putem uz obračun zateznu kamatu za vrijeme prekoračenja roka, prema važećim propisima Bosne i Hercegovine.

3. Ovo Rješenje o koncentraciji se upisuje u Registar koncentracija.
4. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

**O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem:

1 (..)\*\*- Podaci predstavljaju poslovnu tajnu u smislu člana 38. Zakona o konkurenciji